



Maloba ya Guvernere Mills na oyo etali lolenge oyo misala ya ICE ezali kotambola na Maine

Augusta, MAINE — Guvernere Janet Mills abimisaki maloba oyo elandi na botali lolenge oyo misala ya ICE ezali kotambola na Maine:

“Suka ya ‘misala ya ICE’ na Maine esuki te na mpasi mpe minyoko oyo epesaki na bato ndenge na ndenge ya etúká na biso — bato oyo babangisamaki, bamama oyo bakabwanaki na bana na bango, ba mombongo oyo ezalaki na likama, nyonso wana na boyangeli ya bulamatari na bango moko.

“Toyebi naino te makambo ya ntina oyo etali bato 200 oyo ICE elobi ete bakangaki bango, oyo mingi kati na bango bamonani lokola bazali awa na ndingisa ya mibeko, bazali na likambo moko te ya mabe mpe bazali te 'bato ya mabe koleka.' Bato ya Maine basengeli koyeba nkombo ya moto nyonso oyo bakamati awa, ntina ya mibeko oyo epesi nzela na yango, esika nini babombami, mpe mwango nini mbulamatari ya mboka ezali na yango mpo na bango.

“Mosala oyo mpe mayele basali ya Leta bazali kosalela na mboka mobimba, lokola koboma bana mboka mibale ya Amerika na Minnesota - esengi ete Congrès epesa eyano. Yango ebandi na kolongola Kristi Noem na ebonga — likambo oyo ba Républicains ebele basengi sikoyo — mpe Congrès koboya kondima mobeko ya kopesa mbongo na Departema ya Bokengi ya Mboka kino bakotia mibeko oyo epekisi misala ya mabe mpe ya likama ya ICE, mpe ndenge na bango ya kosalela bokonzi na bango na ndenge ya mabe, oyo eyokani te na misala mpe mibeko ya malamumu ya Leta. Kino bakozwa bikateli mpe mbongwana ya solosolo te, etúká moko te — ata mpe Maine — ezali na libateli liboso ya kosalela mabe oyo Boyangeli ya Trump ezali kosala na bibongiseli ya mibeko ya Leta mpo na konyokola bana mboka na yango moko.”

“Nazali na lolendo mingi mpo na bato ya Maine oyo babatelaki bizaleli na biso mpe basungaki baoyo bazalaki kobanga kobima na bandako na bango, mpe lisusu mpo na ba mombongo ya mike oyo esungaki mpe ebundelaki lotomo ya basali na bango mpe ya mabota na bango.”

Guvernere Mills nde akambaki etumba ya kotemela Boyangeli:

- Na lisikulu na ye etali Leta, mwa mikolo euti koleka, Guvernere Mills alobaki: “Bakobangisa biso te. Bakokanga biso monoko te. Mpe na baye nyonso bazali awa te, ata mpe basali ya Leta, nalobi boye: soki bolingi kosala bato ya Maine mabe, bosengeli liboso koleka ngai.”

- Guvernere Mills [asengaki kokutana](#) na Donald Trump mpo na [kosenga ete ICE ebima na Maine](#).
- Guvernere Mills [asengaki na](#) Congrès ete balongola Secrétaire Kristi Noem na ebonga na ye.
- Guvernere Mills [asengaki na](#) Sénat ete baboya mobeko ya kopesa mbongo na Departema ya Bokengi ya Mboka, kino bakozwa bikateli ya solosolo mpo na kosukisa misala ya mabe mpe ya likama ya ICE.
- Guvernere Mills [asengaki na](#) Congrès ete ekitisa misolo ya ICE kino bakotika misala na bango ya mabe.